

**BOSNA I HERCEGOVINA**  
**FEDERACIJA BOSNE I HERCEGOVINE**  
**SREDNJOBOSANSKI KANTON/KANTON SREDIŠNJA BOSNA**  
**OPĆINSKI SUD U JAJCU**  
**Broj : 128 0 K 035965 23 K**  
**Dana : 08.09.2023. godine.**

**U IME FEDERACIJE BOSNE I HERCEGOVINE**

Općinski sud u Jajcu, po sudiji Aleksandru Trkulji, uz sudjelovanje Esme Ganibegović kao zapisničara, u krivičnom predmetu protiv optuženog P. D. sin Z., radi izvršenja krivičnog djela posjedovanje i omogućavanje uživanja opojnih droga iz člana 239. stav 3. KZ F BiH opisanog u optužnici Kantonalnog tužilaštva Travnik, broj : T06 0 KT 0030447 22 od 31.01.2022. godine, nakon održanog ročišta za ispitivanje izjave o priznanju krivice od dana 08.09.2023. godine, u prisustvu optuženog P. D. lično te kantonalne tužiteljice Sanje Hodžić, sud je dana 08.09.2023. godine donio i javno objavio:

***P R E S U D U***

**Optuženi:**

**P. D.**, sin Z. i majke I. djev. H., rođen .... godine u mjestu R., SR Nj., ..., državljanin ..., JMBG: ..., završena Osnovna škola, NK Radnik, nezaposlen, neoženjen, bez djece, vojsku nije odslužio, ne vodi se u VE, bez čina i odlikovanja, srednjeg imovnog stanja, osuđivan i to:

1. Presudom Općinskog suda Jajce br. 128 0 K 001686 15 Kps od 15.07.2015. godine zbog k.d. Oštećenje tuđe stvari iz čl. 293 st. 1 KZ F BiH, kazna zatvora u trajanju od 1 mjeseca, uvjet 1 godina,
2. Presudom Općinskog suda Jajce br. 128 0 K 015217 15 K od 26.08.2015. godine zbog k.d. Teške krađe iz čl. 287 st. 1 u vezi sa čl. 31 KZ F BiH, kazna zatvora u trajanju od 3 mjeseca, uvjet 1 godina,
3. Presudom Općinskog suda Jajce br. 128 0 K 017340 15 K od 27.12.2015. godine zbog k.d. Nedoovoljeno držanje oružja ili eksplozivnih materija iz čl. 371 st. 1 KZ F BiH, kazna zatvora u trajanju od 6 mjeseci, uvjet 1 godina,
4. Presudom Općinskog suda Jajce br. 128 0 K 15870 15 K od 08.10.2015. godine zbog k.d. Nedoovoljeno držanje oružja ili eksplozivnih materija iz čl. 371 st. 1 KZ F BiH, kazna zatvora u trajanju od 3 mjeseci,
5. Presudom Općinskog suda Jajce br. 128 0 K 18387 15 K od 16.06.2017. godine zbog k.d. Teške krađe iz čl. 287 st. 1 tač.a) u vezi sa čl. 31 KZ F BiH, kazna zatvora u trajanju od 2 mjeseca,
6. Presudom Općinskog suda Jajce br. 128 0 K 021445 16 K od 08.06.2017. godine zbog k.d. krađe iz čl. 286 st. 1 u vezi sa čl. 31 KZ F BiH, kazna zatvora u trajanju od 2 mjeseca,
7. Presudom Općinskog suda Jajce br. 128 0 K 020382 16 K od 23.11.2017. godine zbog k.d. Teške krađe iz čl. 287 st. 1 tač.a) KZ F BiH, kazna zatvora u trajanju od 1 godine i 7 mjeseci,
8. Presudom Općinskog suda Jajce br. 128 0 K 023462 17 K od 21.01.2019. godine zbog k.d. Teške krađe iz čl. 287 st. 1 tač.a) KZ F BiH, kazna zatvora u trajanju od 4 mjeseca,

9. Presudom Općinskog suda Jajce br. 128 0 K 023462 17 K i 128 0 K 027926 18 K izrečena jedinstvena kazna zatvora u trajanju od 2 godine i 2 mjeseca, Izdržana 11.03.2020.godine,
10. Presudom Općinskog suda Jajce br. 128 0 K 027926 18 Kv od 08.01.2019.godine izrečena jedinstvena kazna zatvora u trajanju 1 godine i 11 mjeseci a kojom su obuhvaćene presude istog suda 128 0 K 027035 18 Kv od 25.07.2018.godine i presuda broj: 128 0 K 25776 17 Kv od 30.03.2018.godine.

## K R I V J E

### Što je:

Dana 10.02.2021. godine u vikend-kući koja se nalazi u mjestu Gornja Vrbica bb općina Jajce i u kući u ulici Nikole Tesle bb, općina Jajce suprotno odredbama člana 4. stav 1, 2,3 i 5. u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik BiH broj: 8/06,103/08 i 51/11), iako je bio svjestan da se radi o opojnoj drogi i da je posjedovanje iste zakonom zabranjeno, neovlašteno posjedovao 1,147 grama opojne droge Cannabis sativa od čega 0,749 grama neto mase isjeckane na komadiće, dok je 0,398 grama neto mase upakirano u zamotuljak sačinjen od pvc. Folije, 15 ( petnaest) ostataka ručno izrađenih cigareta tzv. "Joint", dužine od 2 do 3 cm, pvc. bocu od 0,5 l improvizovani „ Bong“ obloženu folijom na otvoru sa sadržajem biljne materije koja predstavlja opojnu drogu Cannabis sativa i sadrži tetrahidrokanabinol (THC) u procentu većem od Zakonom propisanog što je od P. D. privremeno oduzeto putem Naredbe Općinskog suda u Jajcu za pretres broj: 128 0 K 033462 21 Kpp od 09.02.2021. godine uz izdavanje Potvrda o privremenom oduzimanju predmeta od 10.02.2021. godine.

**Čime je počinio krivično djelo Posjedovanje i omogućavanje uživanja opojnih droga iz člana 239. stav 3. KZ FBiH** pa sud optuženog temeljem navedene odredbe, a u vezi sa članom 43. KZ F BiH :

## O S U Đ U J E

Na kaznu zatvora **U TRAJANJU OD 8 (OSAM) MJESECI.**

Na ime paušala optuženi je dužan ovom sudu naknaditi iznos od **150,00 (stotinu pedeset) KM**, u skladu sa odredbama čl. 202. st. 1. ZKP-a F BiH u roku od 30 dana od dana pravosnažnosti ove presude.

Na osnovu člana 78. KZ F BiH u vezi sa članom 239. stav 4. KZ F BiH od optuženog se trajno oduzima opojna droga i to 0,704 grama neto mase i 0,370 grama neto mase, a koja čini ostatak ispitivanog materijala.

## O b r a z l o ž e n j e

Aktom broj : T06 0 KT 0030447 22 od 31.01.2022. godine, Kantonalno Tužilaštvo Travnik, podiglo je optužnicu protiv optuženog P. D., kojom se optuženom stavlja na teret da je počinio krivično djelo posjedovanje i omogućavanje uživanja opojnih droga iz člana 239. stav 3. KZ F BiH.

Na pretresu započetom dana 07.09.2023. godine pred ovim sudom na početku pretresa optuženi P. D. prethodno datu izjavu kojom je negirao svoju odgovornost za

počinjnje predmetnog krivičnog djela promijenio je te se izjasnio da je kriv za djelo koje mu se potvrđenom optužnicom stavlja na teret. Imajući naprijed navedenu izjavu optuženog u vidu sud je postupak nastavio ispitivanjem date izjave o priznanju krivice te provođenjem ročišta radi ocjene uslova koji mogu uticati prilikom izbora vrste i visine krivične sankcije.

U postupku razmatranja izjave o priznanju krivnje, a nakon što je prethodno sud optuženog upozorio da u toku cijelog postupka može imati branitelja, te da isti može zahtijevati branitelja ukoliko prema svom imovnom stanju nije u mogućnosti da snosi troškove odbrane, te nakon što je optuženi se izjasnio da mu nije potreban branitelj, sud je cijenio dato priznanje optuženog uz ocjenu da li postoji dovoljno dokaza vezanih za krivičnopravnu radnju za koju je optuženi priznao krivnju kako bi sud na taj način donio odluku o prihvatanju datog priznanja optuženog.

Razmatrajući izjavu o priznanju krivnje optuženi se jasno izjasnio da je kriv za počinjeno krivično djelo sadržano u optužnici, da je njegovo priznanje dato bez prisile, svjesno i sa razumijevanjem, kao i da je svjestan svih posljedica koje proizilaze iz datog priznanja, a naročito da je svjestan krivično pravne sankcije propisane za krivično djelo koje mu se stavlja na teret optužnicom, mogućnosti obaveze naknade troškova krivičnog postupka i obaveze vezane za imovinskopравни zahtjev.

U provedenom dokaznom postupku sud je izveo dokaze uvidom u: Službena bilješka broj: ... od 10.02.2021. godine PU Jajce, Naredba Općinskog suda u Jajcu broj: ... od 09.02.2021. godine, Zapisnik o pretresanju broj: ... od 10.02.2021. godine PU Jajce, Potvrda o privremenom oduzimanju predmeta broj: ... od 10.02.2021. godine PU Jajce, Zapisnik o pretresanju broj: ... od 10.02.2021. godine PU Jajce, Potvrda o privremenom oduzimanju predmeta broj: ... od 10.02.2021. godine PU Jajce, Naredba Općinskog suda u Jajcu broj: ... od 30.03.2021. godine za potrebna vještačenja, Naredba za kemijskog vještačenje broj: ... od 09.03.2021. godine KT Travnik, Dostava predmeta radi čuvanja od 20.09.2021. godine, PU Jajce upućena Općinskom sudu u Jajce, Nalaz kemijskog vještačenja broj: ... od 06.09.2021. godine FUP Sarajevo, Centar za forenzička ispitivanja, vještačenja i istraživanja, Odsjek za hemijsko-toksikološka i fizikalna ispitivanja, istraživanja i vještačenja Sarajevo, Prilog nalazu kemijskog vještačenja oznake Lomljivo FUP SARAJEVO broj: ... od 24.09.2021. godine, Izvod iz KE za osumnjičenog broj: ... od 17.12.2021.godine PS Jajce, Foto-dokumentacija-pretres vikendice broj: ... od 10.02.2021. godine PU Jajce, Foto-dokumentacija-pretres kuće broj: ... od 10.02.2021. godine PU Jajce.

Razmatrajući izjavu o priznanju krivnje optuženog, uz to cijeneći dokaze Tužilaštva sud nalazi da stoji osnov za zaključak da se prihvati izjava o priznanju krivnje koja je data dobrovoljno, sa razumijevanjem gdje je i sam optuženi svjestan posljedica koje proizilaze iz datog priznanja.

Sud smatra utvrđenim da su se radnjama optuženog stekla sva obilježja bića krivičnog djela posjedovanje i omogućavanje uživanja opojnih droga iz člana 239. stav 3. KZ F BiH.

Prilikom odlučivanja o vrsti i visini krivične sankcije, sud je cijenio sve okolnosti predviđene članom 49. KZ F BiH, te je od olakšavajućih okolnosti na strani optuženog cijenio činjenicu da je optuženi priznao počinjenje krivičnog djela koje mu se stavlja na teret čime je doprinio efikasnosti cijelog krivičnog postupka, činjenicu da je optuženi izrazio kajanje zbog počinjenog krivičnog djela koje mu se optužnicom stavlja na teret, dok je od otežavajućih okolnosti na strani optuženog sud cijenio činjenicu da je isti prethodno krivično kažnjavao.

Sud je mišljenja da će se usljed svega navedenog izricanjem kazne kao u izreci ove presude u cjelosti ostvariti proklamovani ciljevi specijalne i generalne prevencije.

Sud je obavezao optuženog na plaćanje sudskog paušala u iznosu od 150,00 KM smatrajući da je taj iznos srazmjeran složenosti i trajanju krivičnog postupka te imovinskim prilikama optuženog, a sve shodno članu 202. stav 1. ZKP-a F BiH.

Zapisničar  
Esma Ganibegović

S u d i j a  
Aleksandar Trkulja

**PRAVNA POUKA** : Protiv ove presude, može se izjaviti žalba Kantonalnom sudu u Novom Travniku putem ovog suda u roku od 15 dana od dana prijema presude. Žalba se podnosi u dovoljnom broju primjeraka za sud i protivnu stranku.